

CONSELLERÍA DE EDUCACIÓN E ORDENACIÓN UNIVERSITARIA

Orde do 16 de xuño de 2009 pola que se convoca concurso de méritos específico entre persoal funcionario de carreira do corpo de mestres para cubrir, en réxime de comisión de servizos, postos de escolarización a alumnado de atención preferente.

O Decreto 244/1999, do 29 de xullo, polo que se regula a cobertura de diversas prazas por funcionarios públicos docentes que imparten ensinanzas de niveis non universitarios, prevé no seu artigo 3.2º, que as prazas que nel se indican poderán ser cubertas mediante o correspondente concurso específico de méritos e polo prazo que se determine na convocatoria. As devanditas prazas deberán ser provistas a través dun concurso específico de méritos para a súa provisión mediante nomeamento temporal con reserva do posto de traballo de orixe e polo tempo que se estableza na correspondente convocatoria, que en ningún caso poderá exceder en máis de seis anos.

A atención do alumnado con necesidades educativas específicas nos centros de escolarización preferente establecidos na disposición adicional quinta do Decreto 30/2007, do 15 de marzo, polo que se regula a admisión do alumnado en centros docentes sostidos con fondos públicos que imparten as ensinanzas reguladas na Lei orgánica 2/2006, do 3 de maio, de educación, debe efectuarse con profesorado con destino definitivo. Sen prexuízo do anterior, a escolarización do alumnado de atención preferente en centros ordinarios que, por non ser de escolarización de preferente, non van contar con recursos humanos permanentes, aconsella unha certa permanencia do mestre ou mestra co alumno de ser posible durante unha etapa educativa, evitando un cambio de docente cada curso académico. Posto que estas necesidades educativas teñen un carácter temporal e non se poden cubrir con carácter definitivo, procede a súa provisión en réxime de comisión de servizos.

Na súa virtude, esta consellería

DISPÓN:

Artigo 1º.-Obxecto.

Convocar concurso público de méritos específico entre persoal funcionario de carreira e persoal funcionario en prácticas do corpo de mestres, para adxudicar, en comisión de servizos, as prazas que figuran no anexo I desta orde.

Artigo 2º.-Participantes e requisitos.

Poderán participar nesta convocatoria o persoal funcionario de carreira e en prácticas do corpo de mestres, da especialidade de pedagogía terapéutica, ou, se é o caso, de audición e linguaxe que estean en posesión da titulación de psicopedagogía, ou dalgunha das titulacións que permiten a habilitación na especialidade de pedagogía terapéutica e que se atopen en situación de servizo activo ou de excedencia

por coidado de fillo ou familiar na Comunidade Autónoma de Galicia no curso académico 2008-2009.

Para a praza do CEE Nosa Sra. do Rosario da Coruña e unha das prazas do CEE Príncipe Felipe de Pontevedra e do CEIP Saco e Arce de Toén, establécese como requisito ser especialista en audición e linguaxe.

Artigo 3º.-Lugar e prazo de presentación.

O prazo de presentación de instancias para tomar parte nesta convocatoria, dirixidas ao director xeral de Centros e Recursos Humanos, será de dez días naturais contados a partir do día seguinte ao da publicación desta orde no *Diario Oficial de Galicia*, e poderán presentarse no rexistro único, edificio administrativo San Caetano, nos departamentos territoriais, ou ben na forma prevista no artigo 38.4º da Lei de réxime xurídico das administracións públicas e do procedemento administrativo común. No suposto de optar pola presentación da solicitude e demais documentación ante a oficina de correos, farase en sobre aberto para que a instancia sexa selada e datada polo funcionario de correos antes de ser certificada.

Unha vez rematado o prazo de presentación de instancias e demais documentación, non se admitirá ningunha modificación nas peticións formuladas. Non obstante o anterior, admitirase renuncia á participación no concurso de méritos específico dentro do prazo establecido para as reclamacións sinaladas no punto sexto, entendendo que tal renuncia afecta a todas as peticións formuladas.

Artigo 4º.-Solicitudes e documentación.

Aínda que se concurse a máis dunha praza, os concursantes presentarán unha única instancia, xunto cunha fotocopia desta e unha folla de alegacións e autobaremación, axustada ao modelo que se poñerá á disposición dos interesados e interesadas nos departamentos territoriais da Consellería de Educación e Ordenación Universitaria e simultaneamente presentarán, para a demostración dos méritos, os documentos que se indican no baremo que aparece como anexo II.

Artigo 5º.-Comisión de selección.

A selección dos aspirantes será realizada por unha comisión, integrada polos seguintes membros:

-Presidente: o director xeral de Centros e Recursos Humanos ou persoa en que delegue.

-Vogais: ata un máximo de tres vogais, coa categoría de subdirectores xerais ou xefes de servizo da Consellería de Educación e Ordenación Universitaria ou membros da inspección educativa e un vogal membro dos equipos de orientación específicos.

-Unha/un funcionaria/o da Consellería de Educación e Ordenación Universitaria, que actuará como secretario con voz e sen voto.

Ademáis, poderá asistir á comisión un representante de cada organización sindical con presenza na mesa sectorial docente non universitaria, con voz e sen voto.

Para a valoración das epígrafes do baremo establecido no anexo II a comisión de selección poderá delegar esta función nunha subcomisión formada por persoal funcionario da Consellería de Educación e Ordenación Universitaria. Unha vez feita esta, os resultados serán publicados nos taboleiros de anuncios da consellería e dos departamentos territoriais, así como no enderezo electrónico <http://www.edu.xunta.es/>, sinalando a relación de excluídos e a causa da súa exclusión e establecendo un prazo de cinco días hábiles desde a súa exposición para presentar as reclamacións que procedan.

Os membros da comisión e, de ser o caso, da subcomisión, estarán suxeitos ás causas de abstención e recusación establecidas nos artigos 28 e 29 da Lei de réxime xurídico das administracións públicas e do procedemento administrativo común, e terán dereito a percibir asistencias e axudas de custo por concorreren ás sesións, conforme o Decreto 144/2001, do 7 de xuño (DOG do 25), modificado polo Decreto 144/2008, do 26 de xuño (DOG do 18 de xullo), estando cualificadas na categoría primeira.

No caso de se produciren empates no total das puntuacións outorgadas, estes resolveranse, atendendo sucesivamente e por esta orde á maior puntuación nos puntos 1.2, 3, 5 e 1.1. 2 e 4.

Artigo 6º.-Proposta de nomeamento.

Unha vez realizado todo o proceso anterior, a comisión de selección proporá ao Conselleiro de Educación e Ordenación Universitaria a adxudicación dos postos, que será obxecto de publicación no *Diario Oficial de Galicia*, e pola que se entenderán notificados, para todos os efectos, os concursantes aos cales lles afecte. Contra esta resolución poderase interpoñer potestativamente recurso de reposición perante este mesmo órgano, no prazo dun mes contado a partir do día seguinte ao da súa publicación. De non considerar oportuna a interposición do citado recurso, poderase formular directamente recurso contencioso-administrativo, no prazo de dous meses, ante o Tribunal Superior de Xustiza de Galicia conforme se establece na Lei 29/1998, do 13 de xullo, reguladora da xurisdición contencioso-administrativa.

Artigo 7º.-Toma de posesión

Os seleccionados deberán incorporarse ás prazas obtidas con data do 1 de setembro do ano 2009, cesando no seu destino de procedencia o 31 de agosto do mesmo ano.

Cando a toma de posesión coincida coa toma de posesión doutro destino adxudicado por concurso de traslados, tomarase posesión e cesamento nominal deste último, para os únicos efectos da reserva do posto de traballo, incorporándose ao destino adxudicado por comisión de servizos cos efectos económicos e administrativos do 1 de setembro de 2009.

As prazas adxudicadas serano en comisión de servizos, por un período dun ano, prorrogable ata que o alumno remate a etapa educativa na que se encontra, e con reserva do posto de traballo de orixe, de acordo co disposto no punto 2º do artigo 3 do Decre-

to 244/1999, do 29 de xullo. A prórroga exixirá petición do mestre ou mestra interesado e informe favorable do equipo de orientación específico.

Artigo 8º.-Devolución da documentación presentada.

Unha vez transcorridos tres meses desde a data de publicación da resolución definitiva, as persoas interesadas, ou a súa representación legal, disporán dun prazo de seis meses para retirar a documentación ante o presidente ou presidenta da comisión. En caso contrario entenderase que renuncian a súa devolución.

Disposicións derradeiras

Primeira.-Autorízase a Dirección Xeral de Centros e Recursos Humanos para ditar as disposicións que sexan necesarias para a aplicación e o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 16 de xuño de 2009

Jesús Vázquez Abad
Conselleiro de Educación e Ordenación
Universitaria

ANEXO I

Centro	Prazas	Localidade	Provincia
CEE Nosa Señora do Rosario (7) Requisito: especialista en linguaxe de signos	1	A Coruña	A Coruña
CEIP Ponte dos Brozos (1)	1	Arteixo	A Coruña
CEIP San Pedro de Visma (8)	1	A Coruña	A Coruña
CEIP de Vite (8)	1	Santiago de Compostela	A Coruña
IES Isidro Parga Pondal (8)	1	Carballo	A Coruña
CPI O Cruce (10)	1	Cerceda	A Coruña
CEIP Concepción Arenal (5)	1	A Coruña	A Coruña
CEE O Pedroso (1)	1	Santiago de Compostela	A Coruña
CEIP A Cándara (10)	1	Narón	Narón
CEIP As Mercedes (7) Requisito: coñecemento de linguaxe de signos	1	Lugo	Lugo
CEIP de Casás (2)	1	Lugo	Lugo
CEIP Castrelo de Miño (6)	1	Astariz	Ourense
CEIP Filomena Dato (9)	1	Barbadás	Ourense
CEP Condese de Fenosa (2)	1	Barco, O	Ourense
CEIP Calvo Sotelo (2)	1	Carballiño, O	Ourense
CEIP San Marcos (2)	1	Cartelle	Ourense
CEIP de Seixalvo (6)	1	Ourense	Ourense
CEIP Manuel Respino (2)	1	Rúa, A	Ourense
CEIP de Sandiás (6)	1	Sandiás	Ourense
CEIP Saco e Arce (11)	1	Toén	Ourense
CEIP Rodolfo Núñez Rodríguez (2)	1	Vilardevós	Ourense
CEIP Príncipe Felipe (1), (7)	1	Pontevedra	Pontevedra
IES Luís Seoane (1), (5)	1	Pontevedra	Pontevedra
CEIP Príncipe Felipe (1), (5), (6)	5	Pontevedra	Pontevedra

(1) Trastorno grave da conduta

(2) Autismo

(3) Hipotonía axial

(4) Tetraparesia

(5) Deficientes motóricos

(6) Trastorno xeneralizado do desenvolvemento

(7) Hipoacusia

(8) Paráliticos cerebrais

(9) Discapacidade cognitiva e trastorno xeneralizado do desenvolvemento

(10) Síndrome de Down

(11) Síndrome de Asperger

ANEXO II

Conceptos	Puntuación	Total puntos máximo	Documentos xustificativos
1. Antigüidade: 1.1. Por cada ano de servizo como funcionario de carreira do corpo de mestres. 1.2. Por cada ano de servizo como funcionario de carreira na especialidade de pedagogía terapéutica, ou, se é o caso, audición e linguaxe..... Para os efectos deste número 1 computaranse os servizos docentes previos recoñecidos conforme a Lei 70/1978.....	0,50 puntos 0,50 puntos	10 puntos 10 puntos	Folla de servizos.
2. Méritos académicos: 2.1. Polo título de doutor..... 2.2. Titulacións de segundo ciclo: por cada licenciatura, enxeñaría, arquitectura ou títulos declarados legalmente equivalentes..... 2.3. Titulacións de primeiro ciclo: pola segunda diplomatura ou os tres primeiros cursos dunha licenciatura.....	1 punto 0,5 puntos 0,25 puntos	2 puntos	Copia compulsada das titulacións alegadas.
3. Formación e perfeccionamento: 3.1. Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como os organizados polas universidades (0,10 puntos por cada 10 horas de cursos superados acreditados)..... 3.2. Por outras actividades de formación e perfeccionamento en materia educativa, incluída a impartición de cursos (0,10 puntos por cada 10 horas)..... 3.3. Por actividades de formación específica directamente relacionadas co posto ao cal se pretende acceder (0,10 puntos por cada 10 horas).....	Ata 2 puntos Ata 1 punto Ata 3 puntos	6 puntos	Copia compulsada da documentación alegada.
4. Publicacións, proxectos, innovacións técnicas: 4.1. Por publicacións de carácter didáctico ou científico, proxectos e innovacións técnicas, de carácter xeral..... 4.2. Por publicacións de carácter didáctico ou científico, proxectos e innovacións técnicas, relacionadas coa praza que se solicita..... (Deberán conter o ISBN, agás as excepcións recollidas na lexislación vixente)	Ata 1 punto Ata 2 puntos	3 puntos	Documentación orixinal ou copia cotexada.
5. Por cada ano de servizos como funcionario ou funcionaria de carreira na especialidade de pedagogía terapéutica ou audición e linguaxe exercendo o seu labor con alumnado de necesidades educativas específicas.....	1 punto	10 puntos	

MODELO INSTANCIA

DATOS DE IDENTIFICACIÓN

CORPO AO CAL QUE PERTENCE

MESTRES

DICIPLINA

PRIMEIRO APELLIDO

SEGUNDO APELLIDO

NOME

DNI

NRP

ENDEREZO PARA EFECTOS DE NOTIFICACIÓN

RÚA E Nº

TELÉFONO

LOCALIDADE

CÓDIGO POSTAL

DATOS DESTINOS

CENTRO DE DESTINO DEFINITIVO 2008/2009

LOCALIDADE

CENTRO DE DESTINO PROVISIONAL 2008/2009

LOCALIDADE

PRAZAS QUE SOLICITA POR ORDE DE PREFERENCIA:

1	2	3	4
5	6	7	8
9	10	11	12
13	14	15	16
17	18	19	20
21			

..... de 2009
..... de SINATURA DO INTERESADO/A

Folla de autobaremo

Concepto	Puntuacións parciais	Total
1. Antigüidade		
(Máximo 10 puntos) -Por cada ano de servizo como funcionario de carreira. Para estes efectos computaranse os servizos docentes previos recoñecidos conforme a Lei 70/1978; non se computarán os esixidos como requisito.....	0,50	
-Por cada ano de servizo como funcionario de carreira na especialidade de pedagogía terapéutica, ou, se é o caso, audición e linguaxe.....	0,50	
2. Méritos académicos		
(Máximo 2 puntos)		
2.1. Polo título de doutor.....	1	
2.2. Titulacións segundo ciclo.....	0,5	
2.3. Titulacións primeiro ciclo.....	0,25	
3. Formación e perfeccionamento		
(Máximo 6 puntos)		
3.1. Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas (0,10 puntos por c/10 horas).....	Ata 2 puntos	
3.2. Por outras actividades de formación (0,10 puntos por c/10 horas).....	Ata 1 punto	
3.3. Por actividades de formación específica directamente relacionadas co posto ao que se pretende acceder (0,10 puntos por c/10 horas).....	Ata 3 puntos	
4. Publicacións, proxectos, innovacións técnicas (máximo 3 puntos)		
4.1. Por publicacións de carácter didáctico, de carácter xeral.....	Ata 1 punto	
4.2. Por publicacións de carácter didáctico, relacionadas coa praza que solicita.....	Ata 2 puntos	
5. Servizos		
Por cada ano de servizos como funcionario ou funcionaria de carreira na especialidade de pedagogía terapéutica ou audición e linguaxe exercendo o seu labor con alumnado de necesidades educativas específicas.....	1 punto por ano	

CONSELLERÍA DE SANIDADE

Orde do 15 de xuño de 2009 pola que se anuncia a convocatoria pública para a provisión dun posto de persoal directivo vacante no Hospital Comarcal de Valdeorras.

De conformidade co establecido no artigo 59 do Decreto 206/2005, do 22 de xullo (DOG nº 145, do 29 de xullo) de provisión de prazas de persoal estatutario do Servizo Galego de Saúde, e en uso das atribucións conferidas a esta consellería,

DISPÓN:

Primeiro.-Anunciar a convocatoria para cubrir polo sistema de libre designación o posto de traballo que se indica no anexo I.

Segundo.-As retribucións fixas do posto ofertado serán as que correspondan de acordo coa orde pola que se ditan instrucións sobre a confección de nóminas do persoal ao servizo da Administración autonómica vixente. Respecto das retribucións variables serán establecidas con base no cumprimento anual de obxectivos previamente pactados para cada posto directivo cos órganos competentes do Servizo Galego de Saúde.

Terceiro.-As solicitudes para participar nesta convocatoria poderán presentarse no rexistro xeral da Consellería de Sanidade, no das súas delegacións provinciais ou en calquera das direccións provinciais do Servizo Galego de Saúde, ademais de nas oficinas previstas no artigo 38.4º da Lei 4/1999, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de quince días hábiles, contados a partir do seguinte ao da publicación desta orde no *Diario Oficial de Galicia*.

Os interesados deberán presentar, xunto co modelo de solicitude do anexo II, un *curriculum vitae* e xustificar mediante certificación ou copia compulsada os méritos que nel aleguen.

Cuarto.-Cumpridos os trámites previstos no dito decreto, a resolución desta convocatoria farase pública no *Diario Oficial de Galicia*, podéndose declarar deserto o cargo directivo ofertado.

Quinto.-Consonte os artigos 59 e 60 do citado Decreto 206/2005, a forma de provisión da praza ofertada será o nomeamento de carácter administrativo para o persoal estatutario ou funcionario con vínculo de fixeza ao servizo de calquera administración pública, pertencente ao grupo de clasificación que se corresponda co nivel académico que se require para cada posto directivo e que se especifica para o posto relacionado no anexo I. No resto dos supostos a vinculación formalizarase mediante contrato laboral de alta dirección.

Sexto.-Contra esta orde, que pon fin á vía administrativa, poderase interpoñer potestativamente recurso de reposición ante este mesmo órgano, no prazo dun mes contado a partir do día seguinte ao da súa publicación. De non estimarse a interposición deste recurso, poderase interpoñer recurso contencioso-administrativo ante o xulgado do contencioso-administrativo competente, no prazo de dous meses contados a partir do día seguinte ao da súa publicación.

Santiago de Compostela, 15 de xuño de 2009.

María del Pilar Farjas Abadía
Conselleira de Sanidade

ANEXO I

Denominación do posto: director/a xerente.

Titulación requirida: licenciado/a universitario ou título equivalente.

Centro directivo: Hospital Comarcal de Valdeorras

Localidade: O Barco de Valdeorras.